

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ԳԼԽԱՎՈՐ ՔԱՐՏՈՒՂԱՐԻ

«04» հուլիսի 2024թ.

«ՀՀ ԱՆ ՔԿԾ-ԷԱՃԱՊՁԲ-24/32» ԾԱԾԿԱԳՐՈՎ ԳՆՄԱՆ ԸՆԹԱՑԱԿԱՐԳԻ ՄԱՍՆԱԿԻՑ «ԼԱ ԻՄՊՈՐՏ» ՍՊԸ-ԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

ՀՀ ԱՆ Քրեակատարողական ծառայության (այսուհետ՝ ՀՀ ԱՆ ՔԿ ծառայություն) և «ԼԱ ԻՄՊՈՐՏ» ՍՊԸ-ի (այսուհետ՝ Կատարող) միջև 19.03.2024թ.-ին՝ կնքվել է «ՀՀ ԱՆ ՔԿԾ-ԷԱՃԱՊՁԲ-24/32» ծածկագրով գնման պայմանագիր (այսուհետև՝ Պայմանագիր)՝ «ՀՀ ԱՆ ՔԿ ծառայության կարիքների համար ապրանքներ մատակարարելու վերաբերյալ», որի ընդհանուր գումարը կազմել է 3.864.997,2 ՀՀ դրամ: Պայմանագրի կատարման ընթացքում Կատարողի կողմից թույլ են տրվել պայմանագրի պարտադիր պայմանների խախտումներ, մասնավորապես.

Ըստ պայմանագրի, «ԼԱ ԻՄՊՈՐՏ» ՍՊԸ-ն պարտավորվել է մինչև 2024թ.-ի մայիսի 31-ը մատակարարել թվով 5 չափաբաժիններով ապրանքներ՝

1. կոնֆերենց համակարգ ՀՀ ԱՆ ՔԿԾ-ի համար,
2. ծայնային հեռարձակման համակարգ ՀՀ ԱՆ «Արմավիր» ՔԿԸ-ի համար,
3. ծայնային հեռարձակման համակարգ ՀՀ ԱՆ «Սևան» ՔԿԸ-ի համար,
4. Պրոյեկտոր ՀՀ ԱՆ ՔԿԾ-ի համար,
5. Աթոռներ ղեկավարի՝ ՀՀ ԱՆ ՔԿԾ-ի համար:

Վերը շված ապրանքներից մատակարարվել են միայն «Պրոյեկտոր» և «Աթոռներ» չափաբաժիններով նախատեսված ապրանքները, ընդ որում «Պրոյեկտոր» ապրանքը մատակարարվել է ժամկետի խախտմամբ, իսկ մնացած ապրանքներն ընդհանրապես չեն մատակարարվել:

06.06.2024 թ. թիվ Ե40/6-3209 գրությամբ «ԼԱ ԻՄՊՈՐՏ» ՍՊԸ-ին տեղեկացվել է առ այն, որ վերը նշված ապրանքները ՀՀ ԱՆ ՔԿ ծառայությանը անհրաժեշտ են պայմանագրով

սահմանված ժամկետներում և առաջարկվել է սեղմ ժամկետում՝ մինչև 20.06.2024թ.-ը ներառյալ մատակարարել պայմանագրով նախատեսված ապրանքները:

24.06.2024թ. դրությամբ «ԼԱ ԻՄՊՈՐՏ» ՍՊԸ-ի կողմից մատակարարվել են միայն «Պրոյեկտոր» և «Աթոռներ» չափաբաժիններով նախատեսված ապրանքները:

«ԼԱ ԻՄՊՈՐՏ» ՍՊԸ-ի կողմից թույլ է տրվել պայմանագրային պարտավորությունների էական խախտում՝ խախտվել է ապրանքների մատակարարման ժամանակացույցը, ուստի ելնելով վերոգրյալից և հիմք ընդունելով Պայմանագրի 2.1.7 կետը՝ ՀՀ ԱՆ ՔԿ ծառայությունը **2024թ.-ի հունիսի 25-ին, միակողմանի մասնակի լուծել է ՀՀ ԱՆ քրեակատարողական ծառայության և «ԼԱ ԻՄՊՈՐՏ» ՍՊԸ-ի միջև 19.03.2024թ.-ին կնքված «ՀՀ ԱՆ ՔԿԾ-ԷԱՃԱՊՁԲ-24/32» ծածկագրով պայմանագիրը՝ 2.524.998 (երկու միլիոն հինգ հարյուր քսանչորս հազար ինը հարյուր իննսունութ) ՀՀ դրամ գումարի չափով, ինչպես նաև պատշաճ ծանուցումն ապահովելու նպատակով կիրառում է ՀՀ կառավարության 2017 թվականի մայիսի 4-ի N526-Ն որոշմամբ հաստատված «Գնումների գործընթացի կազմակերպման մասին» կարգի 33-րդ կետի 17-րդ ենթակետով սահմանված դրույթները:**

Հաշվի առնելով այն հանգամանքը, որ «ԼԱ ԻՄՊՈՐՏ» ՍՊԸ-ն, սահմանված ժամկետում չի վճարել որակավորման և պայմանագրի ապահովման գումարներն, ուստի համաձայն «Գնումների մասին» ՀՀ օրենքի 6-րդ հոդվածի, 1-ին մասի, 6-րդ կետի ա/ ենթակետի՝ «ԼԱ ԻՄՊՈՐՏ» ՍՊԸ-ին պետք է ներառվի գնումների գործընթացին մասնակցելու իրավունք չունեցող մասնակիցների ցուցակում:

Հիմք ընդունելով վերոգրյալը և ղեկավարվելով «Գնումների մասին» ՀՀ օրենքի 6-րդ հոդվածի, 2-րդ մասի պահանջներով.

Ո Ր Ո Շ ՈՒ Մ ԵՄ՝

«ՀՀ ԱՆ ՔԿԾ-ԷԱՃԱՊՁԲ-24/32» ծածկագրով միակողմանի մասնակի լուծված պայմանագրի Կատարող՝ «ԼԱ ԻՄՊՈՐՏ» ՍՊԸ-ին, ներառել գնումների գործընթացին մասնակցության իրավունք չունեցող մասնակիցների ցուցակում:

Ստորև ներկայացվում է համապատասխան տեղեկատվությունը աղյուսակի տեսքով:

Մասնակցի				
Անվանումը	ՀՎՀՀ	Գործունեության հասցեն	Կնքված պայմանագրի միակողմանի լուծման իրավական հիմքը	Գնման ընթացակարգի ծածկագիրը
«ԼԱ ԻՄՊՈՐՏ» ՍՊԸ	00524412	Ք. Երևան, Երկաթուղայիններ 4-րդ փողոց, 2/4	«Գնումների մասին» ՀՀ օրենքի 6-րդ հոդվածի, 1-ին մասի, 6-րդ կետի ա/ ենթակետ. Խախտել է պայմանագրով նախատեսված ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը և մասնակիցը սահմանված ժամկետում չի վճարել պայմանագրի և որակավորման ապահովման գումարը:	«ՀՀ ԱՆ ՔԿԾ-ԷԱՃԱՊՁԲ-24/32»

ՏԻԳՐԱՆ ԻԳԻԹՅԱՆ